



KOMUNIKADO PA PRENSA

Fecha

10 di aprel 2019

Persona di kontakto

Verrien Koeiman

Email

verrien.koeiman@gobiernu.cw

Seshon informativo relashoná ku bishita di Hurricane Hunters

E impakto di orkan riba nos region

Willemstad – Riba djaweps 11 di aprel lo tin un seshon interesante tokante e impakto di orkan riba nos region. Esaki ta relashoná ku e bishita di e avionnan tipo Hurricane Hunters ku ta bishita Kòrsou den e dlanan aki.

Durante di e seshon aki, Sr. Kenneth Graham, Direktor di 'National Hurricane Center' di Merka lo duna un presentashon amplio tokante e efekto ku pasada di un orkan tin riba e partinan sùit di Karibe. Nos ta kòrda e impakto ku Kòrsou a eksperensia resientemente ora ku Orkan Irma a pasa riba islanan ariba i kon Kòrsou a yuda den diferente forma. A risibí studiantenan pa nan por a sigui bai skol, a manda ayudo den forma di personal i ekipo di Kòrsou pa Sint Maarten. Tambe pueblo di Kòrsou a kombibí ku pueblo di Sint Maarten den e momentunan difísil. Hopi suidadano tabata pendiente di nan sernan kerí na momentu ku e orkan tabata pasa i despues.

Pueblo di Kòrsou ta invitá pa bin skucha tokante e tópiko interesante aki pa asina prepará pa e temporada di orkan benidero. Esaki ta kuminsá 1 di yüni 2019 i ta terminá 30 di novèmber 2019.

Minister Jesus-Leito ta kontentu ku e bishita di e avionnan aki i ta spera ku komunidad kompletu lo bin mira esakinan riba djabièrnè 12 di aprel entre 9or di mainta pa 3or di atardi.